

## Haiti - Priye Sòm Yo - Praying WP Psalms 2017

**Sòm Yo 68:1(1,2) Pou chèf sanba yo. Se yon sòm David. Se yon chante. (2) Lè Jehovah kanpe, lènmi l' yo gaye, moun ki rayi l' yo kouri lè l' parèt.**

**Sòm Yo 5:9,10(10,11) Ou pa janm ka kwè moun sa yo. Se dèyè yon sèl bagay yo ye: yo vle fini ak tout moun. Anndan bouch yo, ou ta di yon kavo ki louvri, lang yo menm dous konsa pou flate moun. 10(11) Se mechan yo ye. Kondannen yo, Jehovah. Gate tout plan yo te fè. Pou valè peche yo fè, wete yo devan jè ou. paske se kenbe y'ap kenbe tèt ak ou.**

**Sòm Yo 7:1,2(1-3) Plent David te pote bay Seyè a pou Kouch, moun laras Benjamen. (2) Seyè, Jehovah mwen, se nan ou mwen mete tout konfyans mwen. Delivre m'. Pa kite m' tonbe nan men moun k'ap pèsekite m' yo. 2(3) Si se pa sa, tankou Lyon yo fè, y'ap pote m' ale, y'ap devore m' san pesonn p'ap ka pote m' sekou.**

**Sòm Yo 11:6 Li voye chabon dife ak souf cho sou mechan yo tankou lapli. Li soufle yon van cho kou dife sou yo. Se sa yo tout yo merite.**

**Sòm Yo 18:2(3) Se ou menm ki twou wòch kote m' kache a. Se ou menm ki sèvi m' ranpa. Se ou menm ki delivre m'. Ou se Jehovah mwen, se ou menm ki pwoteje m'. Se nan ou mwen mete tout konfyans mwen. Se ou ki tout defans mwen. Se fòs ou k'ap sove m'. Se anba zèl ou mwen jwenn kote pou m' kache.**

**Sòm Yo 18:14(15),17(18) Li voye flèch li yo, li gaye tout lènmi m' yo. Li fè yo tout kouri ak kout zèklè. 17(18) Li delivre m' anba gwo lènmi m' yo, anba tout moun sa yo ki te rayi m' epi ki te pi fò pase m'.**

**Sòm Yo 18:39(40) Ou ban m' kont fòs pou batay la. Ou fè lènmi m' yo mande m' padon.**

**Sòm Yo 18:45(46),48(49) Yo pèdi tout kouraj yo. Yo soti kote yo te kache a, y'ap tranble kou fèy bwa. 48(49) Li sove m' anba lènmi m' yo. Li wete m' anba men moun ki t'ap konbat mwen yo. Ou delivre m' anba ansasen yo.**

**Sòm Yo 23:3 Li fè m' reprann fòs. Li fè m' mache nan chemen dwat, pou sa sèvi yon Iwanj pou non li.**

**Sòm Yo 27:11 Seyè, moutre m' jan ou vle m' viv la. Fè m' mache nan chemen ki pa gen move pa a, paske mwen gen anpil lènmi k'ap veye m'.**

**Sòm Yo 31:15(16) Lavi m' nan men ou. Delivre m' anba lènmi m' yo, anba moun k'ap pèsekite m' yo.**

**Sòm Yo 34:4(5) Mwen te kriye nan pye Seyè a, li te reponn mwen. Li delivre m' anba tout sa ki t'ap fè m' pè yo.**

**Sòm Yo 34:7(8),13(14) Zanj Seyè a kanpe bò kote tout moun ki gen krentif pou li, pou pwoteje yo. Li delivre yo lè yo nan danje. 13(14) Se moun ki pa lage kò yo nan pale moun mal ni nan bay manti.**

**Sòm Yo 34:17-19(18-20) Lè moun ki mache dwat yo rele l', li tandé yo. Li wete**

**yo anba tray. 18(19) Seyè a kanpe toupre moun ki dekouraje yo, li delivre tout moun ki te pèdi espwa. 19(20) Lè yon moun ap mache dwat, li gen pou I' soufri anpil. Men, Seyè a ap delivre I' anba tout soufrans li yo.**

**Sòm Yo 35:1-8 Se yon sòm David. Seyè, atake moun ki pa vle wè m' yo, goumen ak moun k'ap fè m' lagè yo. 2 Pran zam ou sèvi pou pare kou a, leve non, vin pote m' sekou. 3 Pran fwenn ou, pran rach ou. Atake moun k'ap pousib mwen yo. Fè m' konnen se ou menm k'ap delivre m'. 4 Se pou moun k'ap chache touye m' yo sezi, se pou yo wont. Se pou moun k'ap fè konplo sou mwen yo rale kò yo dèyè. Se pou yo pa ka leve tèt yo. 5 Se pou yo tankou pay van ap pote ale, lè zanj Jehovah a ap kouri dèyè yo. 6 Se pou fènwa bare wout yo, pou chemen an glise anba pye yo, lè zanj Jehovah a ap talonnen yo. 7 San m' pa fè yo anyen, y'ap tann pèlen pou mwen. San m' pa fè yo anyen, y'ap fouye yon twou byen fon pou m' ka tonbe ladan I'. 8 Men, y'ap rete konsa, malè ap tonbe sou yo, y'ap pran nan pèlen yo te tann lan, y'ap tonbe nan twou yo te fouye a.**

**Sòm Yo 35:10 M'a di ak tout kè mwen: –Seyè, pa gen tankou ou! Ou delivre fèb yo anba moun ki gen fòs pase yo. Ou delivre pòv yo ak malere yo anba moun k'ap piye yo.**

**Sòm Yo 36:7-9(8-10) Jehovah, ala bon sa bon, renmen ou gen pou nou an! Se anba zèl ou lèzòm jwenn pwoteksyon. 8(9) Yo manje vant plen ak manje yo jwenn an kantite lakay ou. Bon bagay ou yo tankou yon rivyè dlo k'ap koule kote yo bwè kont kò yo. 9(10) Paske, se ou menm ki sous lavi a. Se limyè ou ki fè nou wè klè!**

**Sòm Yo 37:5 Renmèt kòz ou nan men Seyè a! Mete konfyans ou nan li, l'a ede ou.**

**Sòm Yo 37:23,24 Seyè a pran men lèzòm, li mete yo nan bon chemen. Li kontan wè yo mache dwat. 24 Si yo tonbe, yo p'ap rete atè a. Paske Seyè a ap ba yo men.**

**Sòm Yo 37:40 L'ap pote yo sekou, l'ap delivre yo. L'ap wete yo anba men mechan yo, paske se anba zèl li y' al chache pwoteksyon.**

**Sòm Yo 39:1(1;2) Pou chèf sanba yo. Pou Jedoutoun. Se yon sòm David. (2) Mwen te pwomèt mwen t'ap veye sou pawòl mwen, pou m' pa peche ak lang mwen. M'ap mete yon fren nan bouch mwen toutotan mechan yo va kanpe la devan mwen.**

**Sòm Yo 41:4(5) Mwen menm, mwen te di: Seyè, gen pitye pou mwen. Geri mwen, paske mwen te peche kont ou.**

**Sòm Yo 42:5(6),11(12) Mwen pale ak tèt mwen, mwen di: –Poukisa m' kagou konsa? Poukisa m'ap plede plenn konsa nan kè m'? M'ap met espwa m' nan Jehovah, paske mwen gen pou m' fè Iwanj li ankò. Se li k'ap delivre m', se li ki Jehovah mwen. 11(12) Wi, poukisa mwen kagou konsa? Poukisa m'ap plenn konsa nan kè mwen? M'ap mete espwa m' nan Jehovah, paske mwen gen pou m' fè Iwanj li ankò. Se li k'ap delivre m', se li ki Jehovah mwen.**

**(Sòm Yo 43:5)**

**Sòm Yo 43:1 Fè m' jistis, Jehovah. Defann kòz mwen kont moun sa yo ki pa konnen ou. Delivre m' anba moun sa yo k'ap bay manti, k'ap fè mechanste.**

**Sòm Yo 44:4(5) Se ou ki wa mwen, se ou ki Jehovah mwen. Fè pitit Jakòb yo jwenn delivrans.**

**Sòm Yo 51:4(6) Se kont ou menm menm mwen peche-pa kont lòt moun. Mwen fè bagay ou pa dakò pou moun fè. Se sak fè ou gen rezon lè ou kondannen yon moun. Moun pa ka fè ou okenn repwòch lè ou fin jije.**

**Sòm Yo 52:5(7) Se poutèt sa, Jehovah gen pou fini nèt avè ou, l'ap mete men sou ou, l'ap rale ou soti anndan kay ou. L'ap wete ou nan mitan moun ki vivan yo.**

**Sòm Yo 54:7(9) Ou delivre m' anba tray mwen te ye a; ou fè m' wè lènmi m' yo pèdi batay la.**

**Sòm Yo 55:18(19) L'a fè m' viv ak kè poze, l'a delivre m' nan batay m'ap mennen ak moun ki leve dèyè m' yo. Yo te mèt anpil.**

**Sòm Yo 59:2(3) Delivre m' anba malveyan yo! Sove m' anba ansasen sa yo!**

**Sòm Yo 60:12(14) Avèk Jehovah bò kote nou, n'a fè bèl bagay nan lagè. Se li menm k'ap kraze lènmi nou yo anba pye l'.**

**Sòm Yo 63:11(12) Men, Jehovah ap fè kè wa a kontan. Tout moun ki mete non I' devan va gen kè kontan tou. Men, y'ap fèmen bouch moun k'ap bay manti yo.**

**Sòm Yo 66:3 Di Jehovah: –Sa ou fè yo se bagay ki pou fè moun respekte ou. Ou sitèlman gen pouvwa, lènmi ou yo ap flate ou.**

**Sòm Yo 68:6(7) Moun ki san fanmi yo, li ba yo fanmi. Li fè prizonye yo soti nan prizon, li fè kè yo kontan. Men, pou moun k'ap kenbe tèt avè l' yo, y'ap rete nan prizon.**

**Sòm Yo 68:35(36) Jehovah chita kote ki apa pou li a, li fè tout moun respekte I'. Jehovah pèp Izrayèl la bay pèp li a fòs ak kouraj. Di Jehovah mèsi!**

**Sòm Yo 70:1(1,2) Pou chèf sanba yo. Se yon sòm David. Pou Jehovah pa bliye nou. (2) Delivre m' non, Jehovah! Prese vin pote m' sekou, Seyè!**

**Sòm Yo 71:4 Jehovah mwen, wete m' anba men mechan yo, anba ponyèt moun k'ap bay manti yo ak moun k'ap fè mechanste yo.**

**Sòm Yo 71:13 Se pou moun k'ap atake m' yo wont, se pou yo disparèt. Wi, se pou yo wont, se pou moun pase yo nan rizib, moun sa yo ki te vle wè malè rive mwen.**

**Sòm Yo 72:12 L'a delivre pòv yo lè yo rele nan pye li. L'a delivre tout malere ki san sekou.**

**Sòm Yo 76:12(13) Li kraze lògèy chèf yo, li fè wa latè yo respekte I'.**

**Sòm Yo 79:9 O Jehovah, ou menm ki delivrans nou, fè konnen se ou ki gen pouvwa! vin pote nou sekou. Delivre nou, padonnen peche nou yo pou moun ka fè Iwanj ou.**

**Sòm Yo 86:17 Fè kichòy pou mwen, Seyè! Fè moun ki pa vle wè m' yo wont, lè**

**yo wè se ou menm ki pote m' sekou, se ou menm ki ban m' konsolasyon!**  
**Sòm Yo 91:14 Jehovah di: M'ap sove moun ki renmen mwen, m'ap pwoteje moun ki konnen mwen.**

**Sòm Yo 91:15 Lè I' rele m', m'ap reponn li. Lè I' nan tray, m'ap la avèk li. M'ap delivre I', m'ap fè yo respekte I'.**

**Sòm Yo 92:11(12) Mwen wè ak je m' jan lènmi m' yo pèdi batay la, mwen tande jan moun ki pa vle wè m' yo ap rele.**

**Sòm Yo 103:10 Li pa aji ak nou jan nou ta merite l' la, li pa pini nou jan l' ta dwe pini nou.**

**Sòm Yo 104:9 Ou ba yo limit pou yo pa janm depase, pou yo pa tounen vin kouvri latè ankò.**

**Sòm Yo 107:6 Anba tout tray sa yo, yo rele nan pye Seyè a. Li wete yo nan laflikson sa a.**

**Sòm Yo 118:10 Tout nasyon yo te sènen m', Men, avèk pouvwa Seyè a, mwen kraze yo nèt.**

**Sòm Yo 118:12 Yo te kouvri m' tankou myèl. Men, yo mouri tankou dife nan pay. Avèk pouvwa Seyè a, mwen kraze yo nèt.**

**Sòm Yo 121:7,8 Seyè a ap pwoteje ou pou anyen pa rive ou, li p'ap kite anyen rive ou. 8 L'ap pwoteje ou kit w'ap antre, kit w'ap soti, depi koulye a ak pou tout tan.**

**Sòm Yo 138:3 Lè m' te rele ou, ou te reponn mwen, ou te ban m' plis kouraj.**

**Sòm Yo 140:1(1,2),4(5),5(6) Pou chèf sanba yo. Se yon sòm David. (2) Seyè, delivre m' anba mechan yo non! Pwoteje m' anba ansasen yo non, 4(5) Seyè, pa kite m' tonbe anba men mechan yo, pwoteje m' anba ansasen yo k'ap chache jan pou yo fè m' tonbe. 5(6) Awogan yo pare yon pèlen pou mwen, yo tann pèlen kòd pou mwen, yo mete moun veye m' sou tout chemen mwen.**

**Sòm Yo 142:6(7) Panche zòrèy ou, koute sa m'ap di ou! Mwen fin dekouraje.**

**Delivre m' anba men moun k'ap pèsekite m' yo, paske yo pi fò pase m'.**

**Sòm Yo 143:9 Se anba zèl ou m'ap chache pwoteksyon. Tanpri, delivre m' anba lènmi m' yo.**

**Sòm Yo 147:14 L'ap veye fwontyè peyi a pou pa gen lagè! L'ap plen vant nou ak bon kalite manje.**

**Sòm Yo 149:6-9 Se pou yo rele byen fò lè y'ap fè Iwanj Jehovah, avèk nepe nan men yo, 7 pou tire revanj sou nasyon yo, pou pini pèp yo, 8 pou yo mete wa yo nan chenn, pou mete grannèg yo nan sèp an fè, 9 pou ba yo chatiman ki te ekri a. Se va yon bèl bagay pou tout moun k'ap sèvi Jehovah. Lwanj pou Seyè a!**